

مستطابق

محل مطبعه و اداره :

جغسال اوغلانده امنيت

صندوغى جوارنده

شنكول يقوشنده

۲۲ نومرو

اخطار :

مسلكمزه موافق آثار

جدید مع الممنونیه

قبول اولنور

درج ایدلهین آثار اعاده اولنماز

دیه ، فلسفه ، علوم ، حقوق ، ادبیات ، تاریخ ، سیاست ، و بالخاصه احوال و مشوره اسلامیه بحث ایدر و هفته ده بر نشر اولنور .

آبونه بدلی

صاحب و مؤسسلری :

درسعادتده نسخیسی ۵۰ پاره در

ابوالعلا زین العابدین - ح . اشرف ادیب

تاریخ تأسیسی

قیرله دن مقوا بورو ایله کوندربیلیرسه سنوی

۲۰ غروش فضله آلنیر

۱۰ تموز ۳۲۴

سنه لکی	التی آیلغی	غروش
مملک عثمانیه ایچون	۶۵	۳۵
روسیه	۶۰۰	۳۰۰
سائر ممالک اجنبیه	۱۷	۹

عدد : ۱۱۲

۲۳ شوال پنجشنبه ۱۵ تشرین اول ۳۲۶

بشنجی جلد

پترسبورغه ، اوروپانك تام اورته سنده اون بيك آدم ايمپراطور سراينده انكليزيسيون مظالمى ايجنده اولدوريلوردى . انكلتره سفارتنك پنجرهسى آلتنده انسان ، بنى بشر قانلى آقيوردى ده.. انسانيت نامنه سس چيقاران كورلمدى . لكن شرقده بر آدمك بورنى قانارسه ، انسانيت نامنه ، قارتال سوروسى كى قوشارلر . [شدتلى آلفيشلر . هر كس حقيقتى آكلادىغنى ائما ايديور !] انكلتره مستملكتانده بچاره تبعه نصل يشايور ، بيليرميسكز ؟ آه ، ايشتمه ييكز ، حياتدن نفرت ايدرسكز . حيوانلر بيله همجنسونه معاونت ايدر ؛ فقط غدار انسانلر حيوان قدر هم نوعه اهميت ويرمزلر . آه ، او هندستانك پريشان عائلهلرى ! سفيلى ، مظلوم اولادلرى ! يردن ، يورددن محروم قالمشلر ! .. سوراق كوشه لرنده ايكليه رك ، تتره يرك اكمال مصائب ايلورلر . سوراقلرده سورونور ، طاشلر اوزرنده يمك يير ؛ اورتوسى يوق ، بر حصيردن بيله محروم . يالكز مسلمان دكل ، محوسى ده بويله .

بوكون انكليز ظلمنى آكلايه بيلمك ايجون هندستان سوراقلرينى كزيمك لازم در . هر طرفده قانبورلر ، اعمالر ، ديلنجيلر ... بى نهايه ! انكليزك تسلطندن اول هندستان بويله دكلش . او ناشر مدنيت (!) كلدكن صوكرا بو حاله كلكش . بچاره لك قانلرينى ايجمش ، جانلرينى ياقش ، نسللرينى قوروتمش ، نهايت بويله عليل ، مريض بر عنصر حالته كتيرمش . وبويله دوام ايدرسه ، دهها بر عصره وارماز ، هندستان خاكي محو اولمش ديمكدر .

بوكون هندستان اهالىسى قان آغلايور . مسلمان ، محوسى ... هپسى ، هيچ بر فرد يوق كه انكليزلردن فرياد ايتسون . كندى مستملكه لرنده مدنيتى ، انسانيتى دوشونمورلرده باشقه مملكتلره نشره تشبث ايدبورلر . نه قدر كوانج حركت !..

لكن هيچ بر شيدده ابديت يوق . بتون سلطنت بشريه زواله محكومدر . حاكم مطلق الله در . بوكون ميليونلرجه انسانلرى تحت ظلمنده ازن حكومتلك يارنى بللى دكلدر ، آتيسى قاراكلقددر . بن بوكون شرقده ، شرق عالمنده باشقه بر حيات كورييورم . هر كس موقعتك ذلتى آكلامغا ، كنديسى دوشونمكه باشلامشدر . بو بر انتباهدر . بوكون بنم وطنم سبريادر ، بتون سبرياده ياريم ميليون مسلمان يوقدر . فقط بويله اولمقله برابر بوكون كوزلرينى آچشلر ، نه ياپوب ياپوبده بو حيات عالمنه چيقمغه ، اوزلرلردن بو آغير استبداد يوكنى آتمعه چيالا مقده درلر . درتيوز سنه دنبرى روسلك تحت اساء رتنده ازيلمش ايكن بوكون حيات آرايورلر .

بويله بر قومك شرقده حيات آرادىغنى زمان اون ايكي ميليون ايران ملت معظمهسى كندى حياتلرينى درشونمسونلر ، ممكن دكلدر . بوكون هر ايرانينك وظيفهسى ، روحى ، حياتى ، مالى ، منالى ... هر شيشى فدا ايتكدر . [شدتلى آلفيشلر .] بر ايرانى ذره قدر بو خصوصده ملاحظه ايدرسه او ، ايرانى دكلدر [ينه آلفيشلر] هيچ شبهه ايتمكه ، بو تجاوز غاصبانده ، يالكز ايران دكل ، بلكه

بتون شرق عالمى منفعل اوله جقدر . زيرا شرقك ائ اسكى بر ديركى ييقيلور ، ديمكدر .

بز نه كى بر حركتنده بولنورسهك ، دائما - چوجقلرى چهارشنبه آناسندن قورقوتقلرى كى - بزدى ده اتحاد اسلام ياپورسكز ، ديه قورقوتقى ايسته يورلر . براز مسلمانلر اثر انتباه كوسترر كوسترمز : - آ ، يكرمنجى عصرده بويله شيلر ياقيشماز ...

ديرلر . بعضارى ده « ياقيشماز » ديندى يا ، حقيقه ياقيشماز ظن ايدرلر . [تبسملر] حالبوكه قرقنجى عصرده اولسه ينه اونلر بو وحشتلرندن واز كچميه جكلدر ، [آلفيشلر]

بن قطعاً امينم كه انكليزلر روسيه اتقاق ايدرلر .. هر نه قدر آبي ايله فيل كچينه مزسده ، شكارى تقسيم خصوصنده اريوشملرى ممكن در . فقط اصل هنر قويون اولوبده كندى يديرمه مكدر . بومذلت بوكونى شرقه ياقيشماز . ايرانلر كندىلرينى يديرمه مكه چاليشملى ...

شدتلى آلفيشلرله بونطق دنى تشيع اولوندى . بونى متعاقب قفقاسيه مجاهدلرندن اولوب پارسده اكمال تحصيل ايدن ولوندره ايله برابر همان بتون اوروپايى دولاشان آنلك افكارينه ، اقف اولان ، وشرق مسئلهسى خصوصنده بك چوق تبعات اجرا ايلين محررين كرامزدن احمد بك آقايف حضرتلرى ، قارابك طرفندن تقديم اولنهرق آلفيشلرله موقع خطابتى تشريف ايتديلر .

احمد بك آقايف انمينك لطفى

افنديلر ،

بنده كز ايرانك تاريخنه دائر بر چوق تبعاتده بولونديغ ايجون بوبابده بر قاچ سوز سويلمك ايستردم . فقط رفقاي كرام بوبابده خبلى معلومات ويرديلر . مع ذلك سوزه باشلامدن اول بر قاچ جمله ايله خلاصه ايتكى اصل موضوع بحثمز ايجون موافق كورييورم .

افنديلر ،

هيكز بيلورسكز كه جهان سياست بر طاقم اركان دوليه اوزرينه مؤسس اوله كلكش در . بوركنلرك ، بوملتلك موجوديتلرى در كه روح عمومى سياستى تشكيل ايدر . بو خصوصده ديكر اقوام صغيره نك اهميتى درجه ثانيه وثالنده قالير ، اونلر هپ بوروح كلدن فيض آلهرق ادامه حيات ايدرلر . مثلاً ثابت اولمش بر حقيقتدر كه غربييلر بوكون اوكلك مهم اركانى تشكيل ايدرلر . آسيادهده بويله مهم ركنلر اوله كلكشدر . او اقوام مهمه آراسنده بريسى ده ايرانيادر .

ايران تاريخى ماضينك الشقاراكلك ، خيالك الكاوازاك بر زمانلرينه قدر اوزانير .

مورخلر ايران ايجون موجود اولمديغى بر زمان كوسترمه مشلدر .

ايران انسانيت ناميله برابر طوغمشدر . [آلفيشلر]

متعاقباً ايران تاريخى حقنده بر خلاصه يابلدقن صوكرا بيورديلر كه : عبدالرشيد افندى برادر مز بر چوق حقيقتلر سويلديلر . فى الحقيقه اوروپايلر كليورلر ، ازييورلر ، صوكرا ده انسانيت نامنه كلكد ديسيورلر . بن آروپاده بك چوق بولوندم . بركون بر محرره ايله قونوشوركن بكا ديدى كه :

— سز خیالات آرقه‌سند قوشان بر قومسکنز . بز ایسه مادی یز
سز آسمانلرده پرواز ایدیکز ، ارضی ده بزه براقکز . . .
— حقکز وار ، دیدم ، فقط او خیالاتده میدان براقلمایور ،
بزی براقسه کز ، بز قهوه‌لرمزده ، خانه‌لرمزده اوطورور ، خیالا -
تمزله امرار عمر ایده‌رز . فقط براقلمایورسکنز ، کلیورسکنز ، بزم
چالیشدیغمزی آلیورسکنز . « سن ایشله ، محصولی بکا ویر »
دیورسکنز .

مضحکه آمیز بو حکایه بیوک وفجیع بر حقیقی حاویدر . بو کون
اوروپا مدیتینک آلدینی رنک ، طوتدینی یول بزی ازمکه اونلری
مجبور ایدیور .

افندیلر ، بر کره بونی بیله لم که بو کون یمک ایچمک ، حاصلی ای
کچمک اس‌الاساس حیاتدر . بتون مجادلر ، مبارزلر ، قاوغار
هپ بونک اوزرینه‌در . سیاستک محوری بوغازدر .

شو حالده اوروپانک بزی ازمکه چالیشمسی طبیعی‌در . نه‌یاسون ،
نصل کچسون ؟ بزم بر ایلتمز قدر اولان فرانسه‌ده (۴۰) میلیون
اهالی وار ، طبیعی او اراضی او قدر نفوسی ای کچندیرمکه کافی
اولاماز .

صوکرانکلتزه کوچک بر آطه‌در . (۴۲) میلیون خلق
اورایه طولانمشدر . هر کیلو متروده (۳۶۰) اهالی وار . بونلر
کچمکه قطعاً مجبوردرلر .

بر طرفدن بو اجبار طبیعی ، دیگر طرفندن ده احوال روحیه‌نک
دکیشمسی ، یعنی یمکه ، کیمکه فضله اهمیت ویریلیمسی بویه بر پولتیقه
تعقیبه اونلری مجبور ایتشددر . بونلر بونی پایه‌جقدردر .

انکلتزه هندستاندن ای سنه‌ده (۳۷) میلیار پاره آیشدر .
اصل انکلتزه ۴۲ ملیون‌در . فقط بو ۴۲ میلیون ایچون چالیشان
قاج یوز میلیون وار . باشقه مستملکاتی براقلم ، یالکز هندستانی
نظر اعتباره آله‌م . اوراده (۳۵۰) میلیون انکلیز تبعه‌سی وار ،
بر آدمه آلتی ، یدی کیشی دوشیور . بر آدم آلتی کیشینک
افندیسی ، صاحبی در . برده وارکه او بر آدمک کچندیکی لوازم‌له
شرقه یکریمی آدم کچنیر .

انکلیز دیور : سزک احتیاجکز محدود . سزه قوت لایموت
کافی . سز چالیشک ، قزانک ، بکا ویرک . بن لوندرده حشمتله
دارات و دبده ایله صرف ایده‌یم . . .

انکلتزه‌نک هندستانده (۳۰۰) بیک عسکری وار ، فقط
(۵۰) بیک انکلیز ایسه (۲۵۰) بیک اسلاملردر .

بو اسلاملردرکه انکلتزه‌نک هندستان اوزرنده سلطنت سورمسی ،
تفوقی ، حاکمیتی تأمین ایدیور . یارین امین اولکیزکه بو اسلاملر
هندلرله برلشیرسه ، هندیلرک شیمدیکی طوتدینی یولی طوتارلرسه
انکلتزه‌نک هندستانده ایشی بتمشددر . [. . .]

ذاتاً اوروپاده حیات ملل بتمشددر . بتون مسئله شریلر اوزرنده
طولاشیور .

باقکز . بو کون اوروپا افکار عمومیه‌سنی هانکی مسائل اشغال
ایدیور . روسیه‌نک ، آلمانیه‌نک ، فرانسه‌نک ، انکلتزه‌نک . . .
بتون قاوغاری هپ مشرق اوزرینه ، بالخاصه مسلمان پوستنده‌در .
اولا اوروپالیلر اقصای شرقه کتدیور . چینی پارچه‌لامق ایسته‌دیور .
فقط بیوک و متحد ازلدینی ایچون موفق اوله‌مدیلر . ژاپونیه‌ده
بویلرینک اولچوسنی ویردی . صوقوله‌جق یر وارسه ضعیف اسلام
حکومتلری وارکه بو کون اوروپانک بتون درشونجه‌سنی بر تشکیل
ایدر . بو کونکی مسائل سیاسیسه ایشته : فاس ، تونس ، جزائر ،
ماکینونیا ، عربستان ، افغانستان ، مصر ، بخارا ، ایران . . .
باشقه مسئله وارمی ؟ بتون عالمی اشغال ایدن بزز .

نه اولدی ، نیچون بز بویه اولدق ! یوز . ایکی یوز سنه اولنه
عطف نظر ایدرسه‌ک بو حال یوقدی . بونک سببی نه‌در ؟ بونک
سببی تقدیر ایتدیکمز کون‌درکه عالم اسلام یشامق لیاقتی احراز
ایده‌جکدر . اوزار چالیشیرکن بز باشقه شیلرله مشغول اولدق .
افندیلر ،

بر ملت ، بر قوم کندی خط‌اسنی اعتراف ایتزسه ترقینک ،
تعالینک هنوز ایلك خطوه‌سنی آتماش دیمکدر . بز بتون خطا -
لامزی ، بتون کچمش سیاتمزی دائماً تکرار ایتلی‌زکه کوزمز
اوکنده بولونسون و دفعنه چالیشلسون .

ماضیده نه کبی خطالرمز اولدی ؟ ارن آلتیجی عصردن صوکران
جهانده بیوک بر تحول وقوعه کلیور . اوروپا بر سرعت برقیه
ایله ایلری کیدیور ، شرق ایسه کریله‌مکه باشلایور . اوروپادوشوندی‌که
بر ملتک رفاهی ، سعادت ، حفظ ناموسی و شرفی ایچون ملت قوتلی
اولی . فقط ایله بر قوت‌که اوکنه طورمق ممکن اولماسون . یعنی
مادی دکل ، معنوی بر قوت ، علم قوتی .

بویه درشوندکن صکره بونی الده ایتمکه چالیشدی . بز ایسه
عکس صورتده حرکت ایتدک . المزده‌کی دوا۱ معنوی بی براقدق .
محرره‌نک دیدیکی کبی ، کوکلرده کزدک ، خیالات ایله عمر کچیردک
کوزمزی آچنجه‌یرک آیاغمز آلتدن کتدیکنی کوردک . [آلقیشلر]
بتون اقوام شرقیه دهشت آمیز ولوله‌لرله یکدیگرینی متعاقب
باشقه‌لرینک تحت اسارتنه دوشدی . نیچون بویه اولدی ؟ دینه‌مز
زیرا بویه اولماسی غیر طبیعی . حتی بنده‌کز صراحه‌ت و بتون
تأسفات قلیه‌مله سویلیورم ، ده‌ها ۱۵ ، ۲۰ سنه اول شرقه عطف
نظر ایتدیکمزده ، « حالا نصل یشایور ؟ » دیه حیرته قالمشدم .
چونکه میدان مبارزده مسلح اولمایانلرک قطعاً یکیلیمسی لازم‌در .
مقدرات الهیه ، قانون فطرت بویادر .

ایشته اوروپالیلرک بر چوق شیلرله بزی اتهام ایتدکاری او
صره‌لرده بز اوروپایه کیدوب اونک روحنی ، افکارینی آکلایه‌رق
لازم کلن وای اولان جهتلرینی شرقه طوغری یوروتمکه چالیشدق .
نتیجه‌ده بیوک بر تحولات و تبدلات حصوله کلدی : عالم اسلام
بر تیقظ خارق‌العاده ایله بر موجودیت کوستردی . [آلقیشلر]

آکلاشيلاي کي عالم اسلام اويله دشمنلرک ظن ايتدکلي کي اولو دگش . کنديسنده بر روح ، بر حيات وارمش . طبعي ، بز اوروپا افکار وحسياتي نظر اعتباره الديغمز ايجون ، اولرک مظاهرت ومعاونتي بکله مکه حقمز واردی . اولرک ديدکله : — بزى اداره سزلکله اتهام ايدييورسکز ، فقط بز ايشته سزک مدنيتکزک تفوق ايتديکني اعتراف ايتدک ، آليورز .

بويله کال حسن نيته بز احرار اسلام ، احرار عثمانيه بوللري مشرقه کچيردک . فقط شيمدی نه دييورلر ؟

— خاير ، سز مسلمان اولدقجه آدم اوله جقکز يوق . چونکه دين اسلام مدنيت انسانيه موافق دکل .

بزده دييورزکله : — سزک ايسنديککيز مشروطيت ، عدالت دکلې ؟ ايشته بو قرآن جليل ، بو شريعت غرا مشروطيتک . عدالتک ، انصافک ، اخوتک روحي در . [آلفيشلر]

بوني ده علمادن باشلايوب اک اوفق محررلر مزه وارنجيه قدر اثبات ايتمکه چاليشيورز ، اثبات ايجون ده وسيله لر آراز .

صوکرا دييورزکله : — سزاي اوروپاليلر بزه ديدککيزک حسن اداره کز اولسون ، پارلامنتوکز ، حيثيت مليه کز ، شرف مليکز اولسون . بونک اوزرينه بکي ديدک ، فرانسه انقلاب کيري « حقوق بشريه » ديه بر چوق شيلر اعلان ايتدی . ذاتا بزده موجود اولان بو شيلره ده رعايت ايدييورز . حسن اداره ايجون طوتديغمز يول سزک کندن غيري دکل . شو حالده سزک معاونتکزي ايسته يورز . بتون علما کز سويليورزکله اخوت کوزل ، مبجل بر شي در ، برده بيشمزه حقيقي بر اخوت تاسيسنه غيرت ايدييورز .

وقتيلا اويله دييورلر کن شيمدی باقکز نه دييورلر ، بزم اکتساب قوت ايليشمز بتون اوروپايي شاشيرتدي :

— آمان ، عثمانيلر ديريليور ، يکيدن حيات ، قوت اکتسابنه چاليشيور .

ديه عظيم تلاشه دوشديلر . بر چوق مسئله لرده عثمانيلر موفق اولديلر . مشروطيتي متعاقب ظهور ايدن مهم مهم وقعه لري کال موفقيتله نتيجه لنديردک . بوني کورهن اوروپاليلر .

— آ ، بو نه در ؟ بو بويله کيدرسه ، نتيجه سي نه اوله حق ؟ . . . فرانسه نك اک بيوک غزته سي اولان « تان » بو کونکي باش مقاله سنده المانياني شرق مسئله سنده دائره اتحاد دعوت ايدييور . آلمانياني که قرق سنه دن بري علينده بولونيور ، اوندن انتقام آلمق فکرنده در . دييورکله :

— اي آلمانيا ، بز بربر مزله رقابت ايدلم ، فقط شرق مسئله سنه بالخاصه ترکيا مسئله سنه کلنجه آرامزده کي بر رقابتي اونوده رق متحدا حرکت ايدلم ! . .

ايشته بويله فرانسه افکار عموميه سي آلمانييه مراجعت ايدييور . نه اولدی ؟ بوتلاشه محل نه ؟ پاره ايسته دک ، ويرمدي . شيمدی آلمانيان آله جغز . بونک ايجون بوکي تحريکاتده بولنيور .

بوني کوردکده اوروپا مدنيتندن (!) اوروپا انسانيتکارلغندن (!) جمله مزک قلبي مايوس اولدی .

فقط اونوتماکلي درکه اوروپاده ايکي عنصر واردر : بريسي حاکم بريسي محکوم . حاکم ل کندی حکومتلرينک بقاسني ايکي شیده کورييورلر : مشرقی ازمک وبوسايده قوه بريو بحريه حاضر لايوب ادامه موجوديت ايد بيلمک .

امين اولکيزکله اوروپانک او محکوم عنصری تماميله بزمه در . اولرک بتون محبت قليه لري بزه معطوف در . [آلفيشلر]

بوکون انکلتره حکومتک ويرديکي اوليتاتومه ، فرانسه نك بزه قارشى طومش اولديني صابه يوله فرانسه وانکلتره نك اکثرتي راضی دکل در . بوني ياپان انصافسز حاکم لدرکه اولر کندی مملکتلرنده کي حق شناس وعدا تپرور ذواتي آزييورلر .

ايرانده عين حالده در . ايرانک بو بر قاچ سنه کچيرديکي فاجعه دلسوزي بنده کز اک يقين دن کورييوردم . سنه لرجه استبداد آلتده ايکله يهرک آثار حياتدن محروم قالان بر قوم ، فرانسه دن کلن جريان حريتي استقبال ايدهرک بر حيات يول آراديلر . وموفق ده اولديلر . شوقدرکه محافظه سي قابل اولمادی . چونکه مع التأسف ايران عثمانلي کي دکلدر . برکله ايرانده آلمان حريتي حفظ ايدهرک بر قوت يوقدی . ثانياً ايرانده تشکيلات مليه اجانبک مهاجراتي منع ايدهرک درجه يه وارمالمشدی . امين اولکيزکله بو عثمانلي مملکتتي قورتاران شانلي اردو ويوک ، عالي اتحاد وترقي جهميتي در [شدتلي وسورکلي آلفيشلر ، بو اولمايیدی ، بو مملکت اصلا باني طوغرو لته مزدي . ايشته جناب حقه بيکلرجه شکر اولسون ، اونشکيلات منتظمه بزى بو صارصينيلردن قورتاردی ، و آتياهه قورتاره جقدر ان شاء الله .] ينه مديد آلفيشلر]

مع التأسف ايرانده بوکي تشکيلات يوقدی . فقط ايرانده ده داخلا ، امين اولکيز مشروطه علينده بر شي يوقدی . ايرانده کي اهالي ايکيه آريلير : بر قسمي مشروطيتي جاندين ايستيور . بر قسمي ده بي طرفدر . غلبه يي نه طرفده کور ورسه ار طرفه کيدر . اکر اجانب ، ايراني کندی باشنه برافسه يدی ، وضعيت سياسي داخله سي غايت ترقي يه مساعد اولديني ايجون يک فکر يک وجود بر ملت بولنديني ايجون ، ايشي ايلري کتورمک ده آسان اولوردی . فقط فاجعه نك اک دلسوز نقطه سي بوراسي درکه اجانب ايراني کندی باشنه برافقادی .

اعلان حريتن صوکره روسيه وانکلتره ايران ايله عثمانيلنک شو حالتي کورونجه دوشونديلر :

— عجا يکديکرينه متصل ، يک آمال بو ايکي قومشو ملت بو سرعتله ايلري کيدرسه بز صوکره نه اوله جغز ؟ هايدی براقياهم . . . روسيه برطرفدن ، انکلتره ديکر طرفدن احداث مشکلاته باشلا ديلر . انکلز قورناز ، انترقه جي بر ملتدر ، دوما باشقه لريني کندی منافعه واسطه ايدن بر قوم در . بونک ايجون روسيه حکومتی اورته يه

آندی. کندی ده دیگر طرفدن ایران قارشی دوست کوروندی :
— ای ایران ، دیدی ، بیلکیزکه بن مهد حریم . بن احراز
حریت ایتدیکم زمان هیچ بر حر قوم یوقدی . اونک ایچون، سزکه
بوکون حریت ایچون چالیشیورسکیز ، بن سزک معاونکیزم ...
بونک اوزرینه ایران حریتپرورانی انکلتزیه سازیلدیلر . حالبوکه
اونلر ال آلتندن روسیه ایله اتحاد ایدوب ده (۱۹۰۷) ده ایرانی ایکیه
تقسیم ایتشلر ، شمال قسمی روسیه به براقشیلر ، جنوبی ده کنیدیلرینه
آیرمشلر .

بویله ایرانی طوزاغه دوشوردیلر . بر طرفدن انکلتزیه حریت
سوق ایتدی ، دیگر طرفدن روسیه تضیقنی زیاده لشدیردی . حالبوکه
ایکی دولت سفیرلری ده هر کیجه کوروشیورلردی ، یارین نه پایه جقلرینی
آقشامدن قرارلشدیریورلردی . ایشته اصل فاجه بوراده ایدی .
علمایی ، مجتهدین کرامی کوردیلرکه مشروطیتک نماینده سی . چونکه
بتون علما اصول مشروطه نك مسلمان دینه موافق اولدیننی اعلان
ایتدیلر و فدای جان ایلدیلر .

بوکون مشروطیتی اداره ایدن ایرانک او بیوک عائلاری در .
اهالی ده ذاتاً بونی ایسته یوردی . فقط هر یرده ، هر قوم ایچنده اولدیننی
کبی ایرانلیلر دهده پاره ایچون هر شیئی یاپار ادانی بی روسلر بولدیلر .
بر چوق پاره لر ویردرک اورتیله قاریشیدیردیلر . بونک اوزرینه
بر چوق شیلر اولدی . بالاخره محمد علی شاه پارلمنتونی داغندی
پارلامنتونک طاغلمسک پلانی ، هر شیئی ده ایکی آی اول قفلیس
قفقاسیا والیسی طرفندن قرارلشدیرلش ، قلمه آلمشدی . و بو پلان
طهرانده بولونان روس میرالینه کوندرلمشیدی . حتی باقیکز میرالای
یازدیننی بر مکتوبده نه دیور :

« نامه کزی آلم ، محمد علی شاهک یانه کیتدم . عرض ایتدم
بو پارلامنتونی طاغتمکیز دیدم . فقط شرقیلرده کی قورققلنی کوردیم ،
جسارت ایتدم . نه بیورورسکیز ؟ .. »

صوکر ا جواب کلدی : « سویلیکیز ایران شاهنه اکر پارلامنتو
طاغلمه ازه روسیه دن امیدنی کسسون . مخالفت ایتدیکی تقدیرده
روسیه کنیدیسنی باشقه طرزده حرکت ایتمکه مجبور کوره جکدر .. »
باقکیز ، نصل بر تأثیر ایله پارلامنتو طاغیلدی . ایشته ایرانک
ایلک فاجعه حزن انگیزی ، بد بختلنی بورادن باشلایور .

مجلس طاغیلدندن صوکر ا تبریزده اولان وقوعاتی بیلورسکیز ،
ستار خانک ، باقر خانک قهرمانقلری هپکیزه معلومدر . بونلر مکتب
کورمش ، تحصیل کورمش آدملر دکل . صرف بر محبت وطنیه ایله
اورتهیه آتیلمشلر . بر بحق سنه محاربه دن صکره نهایت مشروطیت
تکرار اعلان اولوندی .

شیمدی بو صیره لرده روسیه نك آلدیننی وضعیت حقنده نظر
دقتکیزی جلب ایدرم . بو وقعه ایله پورتکیز اختلال اخیری نظر
دقته آلنیرسه اروپانک مشرق حقنده نه اصول تعقیب ایتدیکنی
وکنندبسنه روا کورمیدیکی حرکتی بزه ناصل روا کوردیکی آکلارسکیز .

کچن هفته پورتکیزده بر حرکت ملیه اولدی . پور توغال ایرانک
بر ایالتی قدر بیه دکادر . فقط اوروپاده در . اختلال چیقدی ، نه
یابدیلر ؟ « بر ملت نه ایسترسه یاپار » دیدیلر . هیچ سس چیقاران
اولمادی . فقط ایرانلیلر محمد علی بی خلع ایتک ایسته دکاری زمان
روسیه آچقندن آچیه مدافعه یه قالدی . بونلر سنه لرحه مدت
چالداقلری پاره لر معرفتیه تحریکاتده بولوندیلر . مع مافیه مشروطیت
غلبه چالهرق کیتدکجه تقویت بولیوردی .

معلومکیز درکه هر یرده اولدیننی کبی بورادهده مسلمانلر پاره ایچون
بیوک بر احتیاجده بولوندیلر . پاره بولمازلر ایسه ایران باشنی طوغرو -
لته مایه جق . حالبوکه ایران ، روسیه دن باشقه دولتلردن استقراض
ایتمک حقندن محروم . روسیه ، شیمدی فرانسه نك بزه وضع ایتدیکی
شرائطدن ده آغیر شرائط وضع ایتدی . او یله بر قونزول قویدی که
نتیجه ده مملکت کیده جکدی . طبعی ایران قبول ایتدی . ایتدیکی
ایچون روسیه شدتی آرتدیردی . هر یرده عسکرینی تزید ایتدی .
بوکا مقابل شیمدی انکلتزیه شدتی بر اوائیاتوم ویردی .

بونک نه قدر مغایر حقانیت اولدیننی سویلمک فضله . فقط بر کره
بز عثمانلیلر دوشونمی یزکه بو اوائیاتوم حیز وجوده کلیرسه بزم حالمز
نه اوله جق ؟ ا دقت ایدیه جک نقطه بوراسی در . بنده کزجه ،
بو تقسیم مسئله سی وجوده کلیرسه ، عین زمانده عثمانلیلغه وطولایسیله
بتون عالم اسلامه غیر قابل تعمیر بر ضربه اورولمش اوله جقدر .

فرض ایدیکز . ایران تقسیم ایدیلدی . منطقه نفوذ دنیلن نظریه
موجبجه روسیه کردستان واذربایجانی احاطه ایدیور . انکلتزیه
جنوب طرفندن . شو حالده بز نه وضعیتده قالیوروز ؟ بزم بتون
آناتولی ، عراق العرب ، جزیره العرب ، بصره ، موصل ، بغداد .
هپسی دشمنک استیلاسی ایچون آچیق در . درت طرفدن یعنی بحر
سیناه سواحلندن بصره کورفزینه قدر قوی الشکیمه بر حکومت
طرفندن احاطه اولونمش اولیوروز . بو قدر سواحل ، حدود
بیکارجه کیلو مترو تشکیل ایدیور . بو قدر واسع بر حدودی
محافظه ایچون یوز بیکارجه عسکر لازم . عجبا بزم قوای حربیه مزه
وضعیت مالیه مزه بویله بر حالده بولونما مزه مساعدمی ؟ اولدیننی
صورتده بز ایرانک تقسیمنه راضی اولورسه ق عجبانه وضعیتده بولنوروز ،
نه حاله کرفتار اولوروز !

ای بیلملی درکه بو ایکی مملکت یکدیگرینه فوق العاده مربوطدر .
ایران تقسیم اولونجه بزمده موقعمز تهلکه ده در . بنده کز بونی
عثمانی قارداش لرم ایچون کمال قطعیتله عرض ایدیورم . بر آن اول
بو مسئله یی دوشونمک ولزومی درجه سنده اهمیت ویرمک واجبات
حیاتیه دن در ،

افندیلر !

ایران معناً و مادهً بو مملکته مربوطدر . ایرانی بو مملکتدن
آیره جق ، مشروطیتدن صوکر ا آره یه منافرت صاله جق هیچ بر
قوت قالماشدر ، [القیشلر] دیملی که ایران نه قدر سعادت ورفاهله

یاشارسه بز عثمانی مملکتی ده اوقدر قوت وسعادت بولمش اولورز ، فقط ایرانه بویولی ، بو طریق خلاصی آچق ایچون قطعاً بر تشبده بولونمالی یز ، بنده کزجه ، بر چوق کره صحائف مطبوعاتده اظهار فکر ایتدیکم کی ، بونک یکنه چاره سی اوروپاده بولونان ایکی بیوک اتفاقلرک برینه استناد ایتلی یز . اکر بویا پلمازسه نه ایرانه بر چاره خلاص وار ، بنده کزک قناعت وجدانیه عجه نه ده بزه . اکر بونی یاپه بیلیرسه ک بر چوق مسائل داخلیه و خارجییه حله موفق اوله جغز .

بز بو حقیقتی ایجه قفامزه یراشدیرملی یز که اوروپالیر بزم آلا کوزلرمز ایچون قطعاً هیچ بر منفعتلرندن واز کچمیه جکلردر ، امین اولملی درکه کندیلک لرندن قایتولاسیونلر ، تمتع ویرکولری ... هیچ ، هیچ بر شیشه یاناشمایه جکلردر ؛ تا بزده ده بر قوت و اوقوتک استناد ایتدیکم بر هیئت کورمینجه یان یانه ایکی تاجر بری اوروپالی ، بری عثمانی . بو ویرکی ویرر ، اوتنه کی یرمز . طبعی او ، کندیلک لکنندن هیچ بر زمان ویرمیه جک . بدلا دکل آ . اونلر (پوزیتیف) بر قوم درلر . هر شیده . منفعت تعقیب ایدرلر ، و آنجق قوت مقابلنده حقیقتی قبول ایدرلر . اونک ایچون دکلکی درکه بزم تشکیلات عسکریه مزدن قورقورلر . « پاره ویررم ، فقط بحریه یه ، عسکره صرف ایتمه » دیور . عبدالحمیده ویرمیورلرمیدی ؟ ایکی بچق میلیار بورجز وار ؛ اونلری ویرن کیم ؟ فقط او وقت بیلیرلردی که بو پاره لزومی برینه صرف اولونمایه حق . بو کون ایسه کوربیورلرکه مملت کینی اداره اولنمایور .

زاپونلرده بویله دکلکی دی ؟ قایتولاسیونلر ، بو زیریلتیار اونلرده ده واردی . فقط اونلر قوه بریه و بحریه لرینی تنظیم و تقویه ایلدکن صوکر اعلان ایتدیلرکه : « بز بواساسسز شیلرک جمله سنی رفع و فسخ ایتدک ، بونلر غیر طبعی شیلردر ؛ حقوقزه تجاوزدر . بونلر تمامیه حکمسز قالمشدر . »

بونک اوزرینه اوروپالیر باقدیلرکه کیدوب تا اقصای شرقده اونلکه محاربه یایق اوغراشمیه دکر . هم نتیجه ده نه اوله جنی ده بللی دکل . ایستر ایسته مز قبول ایتدیلر .

بزده بونی یایق ایسترسه ک - ایران بزم حیائمه مربوطدر - بزده بریره ، بر هیئت قویه یه استناد ایتلی یز . زیرا یالکز باشمزه بونی یاپه مایه جغز . هر حالده بریره استناد لازمدر .

— بو یر نره سی در ؟

بونی هرکس بیلیر . بن هیچ شه به ایتم که اونی بیلمین کیمسه اولسون . هر هانکی عثمانی یه صورسه امینم که اویری همان کوستره - جکلر . حریتدن ، هر شیدن بللی اولدی . [شدلی آلقیشلر]

بوکون مقام خلافت کبرانک بر چوق وظائف و مسئولیتی وارددر . بورایه چوق امیدلر باغلامشدر . ایشه بریسی ده ایرانی دوشونمکدر . عثمانیلرک ایرانی دوشونمسی کندینی دوشونمسی دیمکدر . اونلرک حیاتی تأمین ایدرسه ک کندمزی ده تأمین ایتمش اولورز . ایرانیلرک بزدن امداد بکله مکده حقاری وارددر . چونکه اخوتک وظیفه سی بودر .

چونکه مقام خلافتک وظیفه سی بودر . اونک ایچون بز وجهه حر . کاتمزی تعیین ایدرک ایشه کیریشملی یز [آلقیشلر]

دها بر سوز سویلیه جکم . بن حیلی زمان آوروپاده بولوندیغم ایچون تمامیه اونلرک روحنی بیلیرم . اونلرک پرستش ایتدکلری یالکز برشی وارددر : قوت . قوتی اولان برملتی . اوروپالیر ستایش ایدر ، چونکه اونلر مادیاتی سور .

بلغار اوفاجق بر ملندر ، فقط جسور و متشبتدر ، دوشنور ، دوشوندیکنی یاپار ، یالکز اوچ درت سنه طرفنده یاپدینی بر خاطرندن کچیرسه ک کافی . ایشه بویله اولدکلری ایچون اوروپا اونلری آلقیشلایور . اردومن حریتی آلدی . آلقیشلادیلر . ۳۱ مارتده باکوده ایدم . « بو عثمانیلر آدم دکلش » دیه عبدالحمیده ثنا کارلغه باشلادیلر . فقط صوکر ا اردومن کلدی ، عبدالحمیدی خام ایتدی ؛ ینه تحیلات یرلری ؛ کوکاری طوتدی .

ایشته بزمشرقیلرک برقصوری وارکه اونک قالدیفنی کورورسه م کندمی مسعود عد ایدرم . فی الحقیقه تواضع ، محویت ، کندینی یوق ایتک چوق کوزل بر فضیلتدر - فقط [هرسخن جانی و هر نکته مقامی دارد] اونک ده صره سی وار ، مقامی وار . یومروق مقابلنده یومروق کرکدر . برطوقات ینجه اوتنه کی طرفنی چویر نظریه خرسیتیه نیه سنی اوروپا ترک ایدملی عصرلر اولدی . بوکون یومروق سیاستی در . حق و حقایق بوکون یومروغه مستنددر . یومروق اولمازسه حق طانیلماز .

سنر ، ای محترم وطنداشلرم ، اوچ میلیون سونکویه استناد ایدیکز ؛ نه ایسترسه کز یاپه لم ، چین بزمدر ، دیلم چین مغولدر ، مغوللر ایسه بزم بابالرمزدر . بر چوق سبیلر ایجاد ایدلم ، چینی آله م ، یاخود ایسترسه کز الجزایری ، تونس آله م . منتظم ، مکمل قوه بحریه مز اولسون ، بالله العظیم اون کون صوکر ا بتون افریقای شمالی یی استرداد ایدلم .

ایشته بونلری نظردفته آله رق کچیردیکمز زمانلرک اهمیتی دوشو - نوب ، ایرانک حیاتی کندی حیائمز کی تاقی ایدوب فدا کارانه باشلر - مزک چاره سنه باقم [اوزون آلقیشلر]

آمین مبعوثی عیدالله اننربنک لطفی

[حضار کرامه ، ینه قارابک طرفندن تقدیم اولونان ، ایدین مبعوث و (العرب) جریده محترمه سی صاحب و محرری عیدالله افندی پک صهیچی القیشلرله استقبال اولوندی .]

طنین غزته سنده کوردم ، ایران حقنده بر قونفرانس ویریه جک دیه اعلان ارفتمش اوچ آی طرفنده آسایشی تأسیس ایدمه مدیک صورتده انکلیز طرفندن استیلا ایدیه جکنه دائر ویریلن اولتیماتومندن ده غزته لر واسطه سیله خبر آلدیم . بر فکر کلدی خاطر مه ، اونی تکلیف ایچون کلدیم . اولنده پروغرامده داخل دکادم . صوکرادن کسندم طالب اولدم .